



Disposiziun dal departament

Directivas concernent la gestiun e la qualidad da las scolas da chant e da musica

Sa basond sin l'art. 18 al. 1 da la Lescha davart la promoziun da la cultura (LPC; DG 494.300) fa la Regenza prescripziuns per la gestiun e per la qualidad da las scolas da chant e da musica. L'Ordinaziun tar la Lescha davart la promoziun da la cultura (Ordinaziun davart la promoziun da la cultura, OPC; DG 494.310) cuntogna disposiziuns resp. prescripziuns per la gestiun e per la qualidad da las scolas da chant e da musica.

Cun il conclus dals 24 d'avust 2021 (prot. nr. 781/2021) ha la Regenza delegà – sa basond sin l'art. 22 da la Lescha davart l'organisaziun da la Regenza e da l'administraziun (LORA; DG 170.399) – la cumpetenzza per relaschar las prescripziuns per la gestiun e per la qualidad da las scolas da chant e da musica al Departament d'educaziun, cultura e protecziun da l'ambient.

Sa basond sin questas consideraziuns

dispona il Departament d'educaziun, cultura e protecziun da l'ambient:

1. Las Directivas concernent la gestiun e la qualidad da las scolas da chant e da musica vegnan relaschadas.
2. Communicaziun a l'Associaziun da las scolas da chant e musica dal Grischun, signur Patric Vincenz, president ACMG, Veia Purmaglera 7, 7460 Savognin, a l'Uffizi da cultura sco er a la partiziun Finanzas & controlling dal DECA.

Dr. Jon Domenic Parolini
cusseglier guvernativ



Directivas concernent la gestiun e la qualidad da las scolas da chant e da musica

Sa basond sin l'art. 18 al. 1 da la Lescha davart la promoziun da la cultura (LPC; DG 494.300) en cumbinaziun cun il conclus da la Regenza dals 24 d'avust 2021 (prot. nr. 781/2021)

relaschadas dal Departament d'educaziun, cultura e protecziun da l'ambient ils 14 da settember 2021

Art. 1 Purschida

¹ Las scolas da chant e da musica èn obligadas da porscher ils suandants secturs d'instrucziun:

- a) scolaziun musicala da basa (educaziun prescolara e/u scola elementara);
- b) instrucziun instrumentala e/u vocala diversifitgada (differentas furmas d'instrucziun);
- c) far cuminaivlamain musica (ensembles, chor, orchester);
- d) tenor pussaivladad e/u tenor basegn roms complementars (ritmica, instrucziun da teoria en ils secturs musica, saut e ballet e.u.v.).

² Il chantun Grischun promova questa purschida en il rom da l'art. 19 LPC sco er en il rom dals art. 16 fin 18 da l'Ordinaziun chantunala tar la Lescha davart la promoziun da la cultura (Ordinaziun per promover la cultura, OPC; DG 494.310).

Art. 2 Manar la scola da musica

¹ Las suandantas premissas ston vegnir ademplidas:

- a) direcziun da la scola che ha las enconuschientschas e las qualificaziuns necessarias per la funcziun directiva, tenor pussaivladad ina scolaziun correspudenta e/u experientscha pratica;
- b) in'administraziun che correspunda a la grondezza da la scola;
- c) reglament da scola, urden da scola.

Art. 3 Qualidad da l'instrucziun

¹ Almain 2/3 da tut il pensum d'instrucziun ston vegnir dads da personas d'instrucziun qualifitgadas.

² Sco "qualifitgadas" valan personas d'instrucziun cun in bachelor (u cun in diplom equivalent en pedagogia).

³ Il dumber minimal da las emnas d'instrucziun per onn è 34.

Art. 4 Entrada en vigor

Questas directivas entran en vigor ils 15 da settember 2021.